

UDRUŽENJE MUZIČKIH/GLAZBENIH I BALETNIH PEDAGOGA U FEDERACIJI BOSNE I  
HERCEGOVINE

## **STATUT**

**UDRUŽENJA MUZIČKIH/GLAZBENIH I BALETNIH PEDAGOGA  
U FEDERACIJI BOSNE I HERCEGOVINE**

Sarajevo, novembar 2009.

Na osnovu čl. 14. i 18. Zakona o udruženjima i fondacijama ("Službene novine Federacije Bosne i Hercegovine", broj: 45/02), Skupština Udruženja, na sjednici održanoj 21.11.2009. godine, donosi

## STATUT

### UDRUŽENJA MUZIČKIH/GLAZBENIH I BALETNIH PEDAGOGA U FEDERACIJI BOSNE I HERCEGOVINE

#### 1. OPŠTE ODREDBE

##### Član 1.

Statut Udruženja muzičkih/glazbenih i baletnih pedagoga sadrži:

- naziv i sjedište Udruženja;
- ciljeve i djelatnosti Udruženja;
- zastupanje i predstavljanje Udruženja;
- organe Udruženja, njihove ovlasti, način imenovanja i opoziva, trajanje mandata, kvorum i pravila glasanja, uključujući i pitanja o kojima se odlučuje kvalificiranom većinom, funkciju lica ovlaštenog da saziva Skupštinu;
- oblik i sadržaj pečata Udruženja;
- oblik i sadržaj znaka ako Udruženje odluči da ima znak;
- sticanje i raspolaganje imovinom;
- način donošenja finansijskog izvještaja i izvještaja o radu;
- postupak za donošenje Statuta, izmjena i dopuna statuta i drugih općih akata Udruženja;
- uvjete i način učlanjenja, prestanak članstva, kao i prava, dužnosti i odgovornosti članova Udruženja;
- uvjete i postupak za pripajanje, razdvajanje, transformaciju ili prestanak rada Udruženja;
- pravila za raspodjelu preostale imovine u slučaju prestanka rada Udruženja

##### Član 2.

Udruženje podstiče djelatnost muzičkih i baletnih pedagoga reproduktivnih umjetnika na osnovu svog programa i plana rada, zalaže se za razvoj i unapređenje muzičke i baletne pedagogije, muzičkog školstva, koncertnih djelatnosti i kulture uopšte.

#### 2. NAZIV, SJEDIŠTE I PODRUČJE NA KOJEM UDRUŽENJE DJELUJE

##### Član 3.

Puni naziv Udruženja glasi: UDRUŽENJE MUZIČKIH/GLAZBENIH I BALETNIH  
PEDAGOGA U FEDERACIJI BOSNE I HERCEGOVINE.

(Skrraćeni naziv Udruženja glasi: UMGBP U FBiH).

U kontaktima s inostranstvom Udruženje koristi naziv: ASSOCIATION OF MUSIC AND  
BALLET PEDAGOGUES OF FEDERATION OF BOSNIA AND HERZEGOVINA

##### Član 4.

Udruženje ima pečat okruglog oblika promjera 30 mm na kojem sa unutrašnje strane polukružno piše: Udruženje muzičkih/glazbenih i baletnih pedagoga u Federaciji BiH.(u daljem tekstu Udruženje).

U sredini vodoravno piše: Sarajevo

## Član 5.

Sjedište Udruženja je u Sarajevu, Josipa Štadlera 1.  
Udruženje djeluje na području Federacije Bosne i Hercegovine i inostranstvu, u skladu sa pozitivnim zakonskim propisima.

### 3. SVRHA I PROGRAMSKI CILJEVI DJELATNOST UDRUŽENJA

## Član 6.

Svrha i programski ciljevi Udruženja su:

- praćenje, proučavanje i pronalaženje najboljih stručno-muzičkih/baletnih i metodsko-pedagoških rješenja za efikasan obrazovno-odgojni uticaj muzike, baleta i muzičke kulture,
- podsticanje, usmjeravanje, objedinjavanje i koordinacija rada muzičkih i baletnih pedagoga u svrhu unapređivanja muzičke i baletne kulture, obrazovanja kadrova (djece, omladine i odraslih), organizacija svih vrsta kurseva i seminara svih umjetničkih profila,
- afirmacija tradicionalnih i savremenih kulturnih i umjetničkih vrijednosti Bosne i Hercegovine kao i evropskih i svjetskih kulturnih i umjetničkih vrijednosti,
- sudjelovanje u izradi prijedloga usavršavanja NPP i udžbenika za potrebe muzičke i baletne kulture svih nivoa obrazovanja,
- saradnja u izradi prijedloga određenih zakona i preduzimanje mjera u interesu razvoja muzičke i baletne pedagogije, muzičkog i baletnog školstva, muzičkog i baletnog odgoja i kulture uopšte,
- pružanje stručne i druge pomoći u cilju formiranja lika muzičkog i baletnog pedagoga, reproduktivnog umjetnika i otkrivanja i razvoja talenata,
- praćenje zbivanja na području muzičke i baletske pedagogije i kulture koncertnih i baletskih djelatnosti u zemlji i inostranstvu, davanje doprinosa razvoju muzičkog i baletnog izdavaštva i publicistike (bilteni, skripte, zbirke kompozicija sa smotri, festivali, takmičenja i sl.).

Djelatnost Udruženja je:

- priprema, organizacija i izvođenje obrazovno-odgojnih, koncertnih, kulturnih, muzičko-poetskih, muzičko-scenskih, svih drugih kulturno-umjetničkih programa (kursevi, seminari i sl.), manifestacija koje putem zadovoljavanja umjetničkih i interesa članova Udruženja i na druge načine podstiču unapređivanje kulturnih djelatnosti,
- razvijanje međusobne saradnje svih institucija kulture, razmjena iskustava i realizacije zajedničkih projekata, rješavanje svih ostalih pitanja od zajedničkog interesa,
- organizacija i koordinacija rada na usavršavanju muzičkih i baletnih pedagoga i reproduktivnih umjetnika putem seminara, savjetovanja, predavanja, festivala, smotri, takmičenja, koncerata, međunarodnih konkursa i si.
- pripremanje, organizacija i priređivanje svih vrsta kulturnih i umjetničkih programa za svoje članove,
- dodjeljivanje nagrada i priznanja članovima Udruženja za postignute rezultate u ostvarivanju djelatnosti, ciljeva i zadataka Udruženja i predlaganje svojih istaknutih i zaslužnih članova za društvena priznanja,
- razmatranje svih ostalih pitanja iz domena obrazovnih, kulturnih, umjetničkih i interesa svih svojih članova Udruženja.

#### Član 7.

Članovi Udruženja, muzički/glazbeni i baletni pedagozi, reproduktivni umjetnici, kulturni uposlenici, u cilju ostvarivanja svojih programskih zadataka organizuju se u asocijacije prema potrebi, mogućnostima i na način koji je najpovoljniji za njihov rad (kantonalna udruženja, strukovne organizacije, sekcije, klubovi i sl).

#### Član 8.

Udruženje može mijenjati i dopunjavati svoju djelatnost kada se za to steknu uslovi u skladu sa zakonskim propisima.

#### Član 9.

Udruženje se može povezivati sa drugim udruženjima istog ili sličnog karaktera na području Bosne i Hercegovine i inostranstvu.

Udruženje će raditi na organizovanju gostovanja po principu razmjene određenih programa i učešća na manifestacijama kantonalnog, državnog i međunarodnog značaja.

### **4. ORGANI UDRUŽENJA, NJIHOVE OBLASTI, NAČIN IMENOVANJA I OPOZIVA, TRAJANJE MANDATA, KVORUM I PRAVILA GLASANJA, ZASTUPANJE I ODGOVORNOST**

#### **I Skupština**

##### Član 10.

Organ upravljanja Udruženjem je Skupština.

Skupštinu udruženja čine svi redovni članovi Udruženja, sa jednakim pravom glasa.

Skupština imenuje predsjednika i potpredsjednika iz reda redovnih članova Udruženja.

##### Član 11.

Skupština se sastaje po potrebi, a najmanje jedanput godišnje.

Skupštinu saziva i njom rukovodi Predsjednik skupštine u skladu sa programom rada Skupštine.

Skupština se može sazvati i na inicijativu Upravnog odbora ili najmanje 20 članova Skupštine.

Rad Skupštine reguliše se Poslovníkom o radu Skupštine.

##### Član 12.

Skupština odlučuje i radi u sjednicama.

Skupština može zasjedati ako sjednici prisustvuje najmanje 30 redovnih članova Udruženja.

Skupština odlučuje većinom glasova prisutnih članova.

##### Član 13.

Skupština Udruženja:

- donosi Statut, izmjene i dopune Statuta i druge akte određene Statutom;
- bira i opoziva predsjednika i potpredsjednika Skupštine;
- bira i opoziva predsjednika i članove Upravnog odbora;
- bira i opoziva članove Nadzornog odbora;
- usvaja izvještaje koje je pripremio Upravni i Nadzorni odbor;

- odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama Udruženja;
- odlučuje o visini i načinu plaćanja članarine;
- donosi poslovnik o svom radu;
- odlučuje o svim pitanjima koja nisu u nadležnosti drugog organa.

## II Upravni odbor Udruženja

### Član 14.

Upravni odbor je izvršni organ Skupštine Udruženja i njoj odgovara za svoj rad.

Upravni odbor ima predsjednika i četiri člana.

Upravni odbor se imenuje na period od četiri godine sa mogućnošću još jednog uzastopnog izbora.

Rad Upravnog odbora reguliše se Poslovníkom o radu.

### Član 15.

Upravni odbor Udruženja obavlja slijedeće poslove i zadatke:

- priprema sjednice Skupštine,
- utvrđuje prijedlog Statuta i drugih akata koje usvaja Skupština,
- provodi politiku, zaključke i druge odluke koje je donijela Skupština;
- utvrđuje program rada Udruženja, prijedlog finansijskog plana i prati njihovu realizaciju,
- usvaja završni račun i podnosi nadležnim državnim organima,
- priprema materijale potrebne za rad Skupštine,
- podnosi Skupštini godišnji izvještaj o svom radu i finansijskom poslovanju,
- formira komisije za izradu propozicija takmičenja,
- potvrđuje prijedloge članova žirija,
- formira povremena radna tijela, prati i usmjerava njihov rad,
- utvrđuje dnevnicе, nadoknade, nagrade i slično,
- imenuje i razrješava sekretara Udruženja,
- vrši i druge poslove u skladu sa Statutom i aktima Udruženja.

### Član 16.

Upravni odbor se sastaje po potrebi a najmanje jednom u tri mjeseca.

Sjednice Upravnog odbora saziva i njima predsjedava predsjednik.

Sjednice se sazivaju prema programu rada Upravnog odbora.

Sjednica Upravnog odbora može se održati ako joj prisustvuje natpolovična većina ukupnog broja članova, a odluke su punovažne ako za njih glasa većina članova Upravnog odbora.

## III Predsjednik Udruženja

### Član 17.

Predsjednik Udruženja istovremeno je i predsjednik Upravnog odbora.

Mandat predsjednika traje četiri godine sa mogućnošću reizbora.

#### Član 18.

Predsjednik Upravnog odbora predstavlja i zastupa Udruženje, organizuje rad Upravnog odbora i brine za zakonitost rada Udruženja.

Prava i dužnosti predsjednika Upravnog odbora su:

- priprema i saziva sjednice Upravnog odbora;
- zastupa i predstavlja Udruženje;
- potpisuje odluke, zaključke i druge akte koje donosi Upravni odbor i neposredno organizuje njihovu provedbu;
- obavlja i druge poslove u skladu sa Statutom, opštim zakonskim propisima, odlukama Skupštine i Upravnog odbora.

#### IV Nadzorni odbor

##### Član 19.

Udruženje ima Nadzorni odbor koji sačinjavaju predsjednik i dva člana, a koje imenuje Skupština Udruženja.

Nadzorni odbor se imenuje na period od četiri godine, sa mogućnošću reizbora.

Članovi Nadzornog odbora ne mogu biti istovremeno i članovi Upravnog odbora.

Rad Nadzornog odbora reguliše se Poslovníkom o radu.

##### Član 20.

Nadzorni odbor vrši nadzor nad cjelokupnim radom Udruženja, a posebno nadzire osvarivanje planova i programa u cilju njihovog izvršavanja u skladu sa Statutom Udruženja i zakonom.

Nadzorni odbor nadzire materijalno-finansijsko poslovanje o čemu izvještava najmanje jednom godišnje Upravni odbor i Skupštinu Udruženja.

#### V Sekretar Udruženja

##### Član 21.

Sekretara Udruženja bira Upravni odbor iz redovnih članova Udruženja.

Mandat sekretara traje četiri godine sa mogućnošću reizbora.

Za svoj rad sekretar je lično i neposredno odgovoran Upravnom odboru.

Sekretar Udruženja obavlja poslove u skladu sa posebnom odlukom Upravnog odbora a tiču se izvršnih, organizacijskih, stručnih, uredskih i drugih zadataka i obaveza uspješnog rada Udruženja.

#### VI Blagajnik

##### Član 22.

Blagajnika Udruženja bira Upravni odbor.

Blagajnik neposredno rukuje materijalno-finansijskim sredstvima Udruženja u skladu sa odlukama predsjednika Udruženja odnosno Upravnog odbora.

Blagajnik je odgovoran za zakonitost materijalno-finansijskog poslovanja.

## 5. PRAVNI STATUS UDRUŽENJA I ZASTUPANJE UDRUŽENJA

### Član 23.

Udruženje ima svojstvo pravnog lica u oblasti kulture i za svoje obaveze odgovara svom svojom imovinom.

### Član 24.

Udruženje zastupa i predstavlja predsjednik Udruženja.

Predsjednik Udruženja može ovlastiti pojedine članove Upravnog odbora ili sekretara Udruženja da potpisuje i zastupa Udruženje u određenim poslovima.

Obim i sadržaj ovlaštenja utvrđuju se punomoćjem koje može biti specijalnog ili generalnog karaktera.

## 6. IMOVINA UDRUŽENJA, ODGOVORNOST ZA OBAVEZE I FINANSIJSKO POSLOVANJE, ČLANARINA

### Član 25.

Imovinu Udruženja čine nekretnine i pokretne stvari, imovinska prava i novčana sredstva namijenjena djelovanju Udruženja.

Za svoje djelovanje Udruženje osigurava sredstva od:

- od članarina;
- priloga i poklona;
- dotacija naučnih, stručnih, kulturnih, umjetničkih, društvenih i državnih organa i organizacija;

- dobrovoljnih priloga i darova;

- dobiti društva čiji je Udruženje vlasnik, u skladu sa zakonom;

- na druge načine, u skladu sa zakonom.

Za svoje obaveze Udruženje odgovara svojom cjelokupnom imovinom u skladu sa zakonom.

Sredstva Udruženja se mogu koristiti samo za rad Udruženja.

### Član 26.

Na osnovu programa rada Udruženje donosi finansijski plan za svaku godinu za svaku narednu godinu. Finansijskim planom planira se ukupan prihod prema izvorima i njegovo raspoređivanje prema poslovima i zadacima Udruženja.

### Član 27.

Novčani izdaci isplaćuju se u skladu s odgovarajućim zakonskim propisima i finansijskim planom Udruženja.

Udruženje osigurava evidentiranje materijalno-finansijskog poslovanja u skladu s propisima.

Pravilnikom o materijalno finansijskom poslovanju bliže se uređuju stjecanje i trošenje sredstava, finansijsko poslovanje i poslovi knjgovodstva.

#### Član 28.

Sredstvima i imovinom udruženja raspolaže Skupština Udruženja, odnosno osobe ovlaštene ovim Statutom prema odlukama Skupštine, odredbama ovog Statuta i zakonskim propisima.

Naredbodavci u finansijskom poslovanju su: Predsjednik Upravnog odbora, ili druga osoba koju odredi Upravni odbor Udruženja.

Udruženje ima transakcijski račun za konvertibilne marke i devizni račun, te vodi poslovne knjige i sastavlja finansijske izvještaje prema propisima kojima se uređuje način vođenja računovodstva neprofitnih organizacija. U skladu s važećim propisima, svake se godine donosi godišnji obračun (završni račun) na način i u rokovima propisanim zakonom i drugim propisima. Upravni odbor može za svaku godinu donijeti finansijski plan.

### 7. NAGRADE I PRIZNANJA UDRUŽENJA

#### Član 29.

Udruženje dodjeljuje nagrade i priznanja prema odluci Skupštine ili Upravnog odbora.

#### Član 30.

Udruženje dodjeljuje priznanja pojedincima, organizacijama ili zajednicama za zasluge u ostvarivanju ciljeva Udruženja.

Nagrade pojedincima mogu biti novčane, u obliku povelje i sl.

#### Član 31.

Način i oblici dodjeljivanja nagrada i priznanja pobliže se određuju Pravilnikom o nagradama i priznanjima što ga donosi Upravni odbor.

### 8. JAVNOST RADA I INFORMISANJE

#### Član 32.

Rad Udruženja je javan.

Javnost rada osigurava se u okviru Udruženja i u sredstvima javnog informisanja, a naročito o djelatnostima i događajima od šireg kulturnog, stručnog i društvenog značenja.

#### Član 33.

Radi osvtarivanja jasvnosti rada obznanjaju se obavijesti o programima i dostignućima u radu i o značajnim projektima Udruženja.

Javnost se preko sredstava javnog informisanja (štampa, radio, televizija i dr.) obavještava o održavanju značajnih skupova Udruženja (godišnje skupštine, savjetovanja, seminari, takmičenja i sl.).

Javnost rada vrši se dostavljanjem određenih dokumenata o radu Udruženja ili pozivanjem zainteresovanih pojedinaca na skupove Udruženja.



#### Član 34.

Obavijesti za javnost može dati predsjednik Upravnog odbora ili od Upravnog odbora ovlašteno lice.

Predsjednik Upravnog odbora može sazvati konferenciju za sredstva javnog informisanja radi davanja odgovorajućih obavijesti o radu Udruženja.

#### Član 35.

Javnost rada osigurava se publicističkom i izdavačkom djelatnošću Udruženja u skladu sa Zakonom o informisanju.

Udruženje može u saradnji s drugim pravnim licem, koje je ovlašteno za izdavačku djelatnost, izdavati publikacije, u kom slučaju uređuju ugovorom svoje odnose u pogledu podjele dobiti, uređivačke politike i drugog.

### **9. POSTUPAK ZA DONOŠENJE STATUTA, IZMJENA I DOPUNA STATUTA I DRUGIH OPĆIH AKATA UDRUŽENJA**

#### Član 36.

Statut Udruženja donosi Skupština Udruženja na prijedlog Upravnog odbora. Nacrt Statuta dostavlja se na javnu diskusiju članovima Udruženja. Sve primjedbe i prijedloge razmatra Upravni odbor i sa prijedlogom Statuta izlazi pred Skupštinu Udruženja koja ga razmatra i usvaja.

#### Član 37.

Izmjene i dopune Statuta vrše se na način i po postupku za donošenje. Inicijativu za izmjene i dopune Statuta mogu dati predsjednik Udruženja, Upravni odbor i najmanje 1/3 članova Udruženja.

#### Član 38.

Tumačenje odredaba Statuta Udruženja daje Skupština Udruženja.

### **10. UVJETI I NAČIN UČLANJENJA U UDRUŽENJE, PRESTANAK ČLANSTVA, KAO I PRAVA, DUŽNOSTI I ODGOVORNOSTI ČLANOVA UDRUŽENJA**

#### Član 39.

Članstvo u Udruženju je dobrovoljno i jednako za sve članove.

Članom Udruženja može postati svaki punoljetni državljanin Bosne i Hercegovine.

Članom Udruženja može postati i strani državljanin koji je stalno nastanjen ili boravi duže od jedne godine na teritoriji Federacije Bosne i Hercegovine.

#### Član 40.

Članovi Udruženja su: redovni članovi, pridruženi članovi i počasni članovi.

#### Član 41.

Redovni članovi mogu biti: muzički/glazbeni i baletni pedagozi.

#### Član 42.

Pridruženi članovi mogu biti lica iz člana 39. st. 2. i 3. koji prihvataju Statut i programske ciljeve Udruženja.

#### Član 43.

Pridruženi članovi učestvuju u svim aktivnostima Udruženja, ali ne mogu birati i biti birani u organe Udruženja niti učestvovati u donošenju odluka organa Udruženja.

#### Član 44.

Počasni članovi Udruženja su ona lica koja su zaslužna za rad i razvoj Udruženja, kao i uvažene ličnosti iz kulturnog i javnog života. Odluku o počasnog člana donosi Skupština Udruženja na osnovu pismenog obrazloženja Upravnog odbora Udruženja.

Počasni članovi, ako nemaju i status redovnog člana, učestvuju u aktivnostima Udruženja prema pozivu i svojim mogućnostima, ne plaćaju članarinu i ne sudjeluju u odlučivanju u organima Udruženja.

#### Član 45.

Redovni članovi Udruženja imaju sljedeća prava i obaveze:

- da učestvuju u radu Udruženja i organa Udruženja,
- da aktivno rade na ostvarivanju programskih ciljeva Udruženja,
- da daju prijedloge i podnose inicijative, traže zaštitu svojih prava,
- da budu informisani o radu i aktivnostima Udruženja,
- da odgovorno izvršavaju postavljene im obaveze,
- da u svom radu poštuju Statut i ostala akta Udruženja i odluke nadležnih organa Udruženja,
- da redovno plaćaju članarinu Udruženja.

#### Član 46.

Članstvo u Udruženju prestaje:

- istupanjem člana iz Udruženja,
- prestankom plaćanja članarine,
- prestankom rada Udruženja,
- isključenjem iz Udruženja.

Odluku o istupanju iz Udruženja donosi Upravni odbor Udruženja.

#### Član 47.

O svim članovima Udruženja vodi se knjiga evidencije.

#### Član 48.

Članovi Udruženja koji se ne pridržavaju prava i obaveza iz člana 45. ovog Statuta mogu biti isključeni iz Udruženja.

Odluku o isključenju donosi Upravni odbor Udruženja.

Protiv odluke o isključenju može se podnijeti prigovor u roku od osam dana Skupštini udruženja.

Odluka Skupštine donesena po prigovoru je konačna.

## 11. PRESTANAK RADA UDRUŽENJA

### Član 49.

Udruženje može prestati sa radom pod uslovima i na način utvrđen Zakonom o udruženjima i fondacijama („Službene novine F BiH“ broj: 45/02). Organ nadležan za donošenje odluke o prestanku rada Udruženja je Skupština Udruženja, koja takvu odluku može donijeti na način i po postupku utvrđenom odredbama ovog Statuta koje se odnose na rad i odlučivanje Skupštine.

### Član 50.

U slučaju prestanka rada Udruženja, njegova materijalna sredstva raspoređuju se u skladu sa odlukom Skupštine.

## 12. PRELAZNE I ZAVRŠNE ODREDBE

### Član 51.

Ovaj Statut stupa na snagu danom donošenja.

Stupanjem na snagu ovog Statuta prestaje važiti Statut Udruženja građana muzičkih pedagoga u Federaciji Bosne i Hercegovine od 19.09.1997. godine.

Broj: *CV-2/09*  
Sarajevo, 21.11.2009.



PREDSJEDNIK  
SKUPŠTINE UDRUŽENJA

*B. K.*  
Bakir Kulenović